

中國方志叢書·第廿三號

據清·馮德材等修文德馨等纂
清光緒二十年刊本
影印

廣西

鬱林州志

(全)

成文出版社印行

sk126/104



10096562

129
48

中華民國五十六年五月壹一版

鬱林州志

全一冊

定價：新台幣二四〇元

發行人：黃成助

臺北郵政信箱二二六〇五號

出版者：成文出版社

臺北郵政信箱二二六〇五號

印刷者：正大印製廠

三重市長生街二號之一

版權所有

內政部登記證內版臺業字第一一四七號

鬱林直隸州志序

周官地圖備掌職方漢法郡志事登史館大而盧牟六合則元豐九域樂史寰宇其權輿也小而繫綴一隅則益部方物陳留風俗其津逮也至於嶺表掌故具勒成書劉恂錄異導初枕於前去非代答振芳塵於後都京研鍊文獻考徵志乘之作由來尙已鬱林山川磅礴民物昌豐夙號牢州近稱輿壤舊志修於乾隆五十七年距今忽逾百載其間戶口田土之盈縮政令條教之張弛官師人物之升沉學校科名之隆替閱紅羊於往劫聞見傑池尋碧蠹之殘編焉烏漫漶亟資續輯規眎將來則有馮君達夫秉鞭

鬱林州志

卷首序

作牧載石高軌三長兼擅乎史氏九能可以爲大夫於是給札寫綈翹材闢館拾遺訂墜起例發凡繼其任者全君墨村規隨類一暨州中二三君子踵而成之觀乎綱舉目張條分縷晰鉤元提要則挈領振裘紀事纂言則懸鏡程物儲儲然眎眎然粲若列眉瞭如指掌舉凡裴秀禹貢之圖孝侯風土之記善長水經之注子雲方言之文根底波瀾殆云具體揆諸韓氏朝邑結構謹嚴康君武功神明規矩造車合轍未稔何如要之政書扶世官牘牖民考古今沿革則知所率循覽形勢山川而思所控掣正不同嵇狀范錄徒侈游觀越乘齊書但供喁喁已也馮君郵書索爲

弁語喜其焯掌油素殫心汗青尋常流輩烏能跂及他日潤色鴻業斧藻羣言著述等身傳世行遠茲事提倡特其嚆矢云爾光緒二十年甲午孟秋

頭品頂戴兵部侍郎都察院右副都御史巡撫廣西等處地方提督軍務兼理糧餉加節制通省兵馬銜江都張聯桂序

鬱林州志

卷首序

二

鬱林直隸州志序

皇帝御極之十有五年

特詔重修會典

命直省督撫繪輿圖以進而附以沿革疆域天度山鎮水道鄉鎮職官諸表以時異勢殊有昔所有而今廢者昔所無而今建者有今昔所同有而其中不無改易者刪定纂修所恃以信今而傳後者於是乎在於時馮君達夫攝鬱林州牧慨然有續修州志之舉發凡起例草創未成以及瓜期而去全君墨村繼之集鄉紳籌經費進州人士之尤雅者相與斟酌之損益之正前志所已詳者增前志所未備者鬱林州志

卷首序

三

光緒甲午孟秋上浣布政使黃槐森序

鬱林州志

卷首序

四

鬱林直隸州志序

鬱林牟芝農司馬爲余甲戌會榜同年友昔復同官畿輔每談及鬱林山水之勝輒心焉嚮往者久之嗣芝農奉諱歸里余適由天津道超擢嶺臬初以爲天假良緣或可於句漏山前一償夙約入境後始知鬱林雖隸桂林行省南北相距千數百里少文卧遊徒馳夢轍壬辰初秋興國馮達夫直刺由鬱林卸篆旋省詢及芝農里居近狀兩袖清風仍如寒素惟杜門卻掃日以修志爲事此誠賢士大夫居是邦而維持風化之大端也豈細故哉今以志成屬爲之序余不獲覩白石洞綠鴉山諸名勝而披圖瀏覽亦宛

鬱林州志

卷首 序

五

與目遇矣竊維鬱林州志創始於

國朝康熙間繼修於乾隆初年毘陵段君汝舟再續於宛平邱君桂山迄今又百年矣中遭寇難列郡屬邑屢經兵燹遺文多闕故籍既湮徵文者獻十無二三幸有馮君達夫倡議於前全君墨村殫力於後延請芝農纂輯編錄三年於茲考定義例始有成書於前志之闕者補之略者詳之誤者正之疑者訂之俾其部次秩然經緯粲如洵足以信今而傳後矣顧余尤有感焉粵西自洪逆肇亂土匪蠭起咸同年間省垣以外郡縣淪陷殆盡惟鬱林與百色聽窺然獨存其開豪傑之士忠義之氣固足爲史乘光然非我

聖朝累洽重熙

德洋威蕩豈能亂而復治俾居其地者獲衽席之安享魚鹽之利哉士庶人幸生斯世允宜詠德蹈仁以答昇平特恐狃於安樂驕縱或滋將有恃豪強而武斷鄉曲爭雀角而積成世仇豈不失鄉里鰲豆言歡之誼防禁未然是在教化芝農既與二三同志重輯志乘於一州之源流得失歷代之沿革興廢瞭如指掌尤當佐司土者式化其鄉閭使士食舊德農服先疇父詔兄勉各敦古處庶幾出入相友守望相助三代同井之風復見於今日是更余之所厚望也夫時光緒二十年歲在甲午仲夏

鬱林州志

卷首 序

六

賜進士出身頭品頂戴廣西按察使司按察使前翰林院庶吉

士胡燏棻序

鬱林直隸州志序

光緒十有五年九月余奉

簡命授廣西鹽法道其明年五月抵任下車之始循問俗之例
卽覓謝蘊山中丞所修廣西通志讀之其卷帙繁重不易
卒業適廣西有重刊通志輯要一書復取讀之其書簡約
紀載雖本謝志而體例迥殊其分合之當繁簡之宜辨證
之細皆令人一覽而周知案是書爲蘇文庵學博宗經所
撰學博乃鬱林州人竊意有如此才若倩其輯修鬱林州
志則以本州之人記本州之事必更有詳悉無遺者惜乎
其人不存則其政亦不舉也今年夏馮刺史達夫忽以鬱

鬱林州志

卷首序

七

林州志稿本十二冊見示並請製序余受而覽之方知前
志已缺修者百年馮君於前三年署理鬱林時自捐貲款
與其州中諸紳設局興修年餘未得脫藁期滿去官全刺
史墨村繼之復集諸紳籌款續修又閱二載稿本始具其
稿雖因舊志而未合之處亦能援據更正門目亦稍有加
增質而不俚簡而能賅文核事實庶幾無媿方知紀載之
才應時而出正不必拘目前所見遂歎爲專長也間嘗卽
是稿並其舊志而合勘之舊志目簡事詳似推善本惟今
鬱林州之名實始趙宋趙宋以前史冊所載鬱林皆在今
潯州府貴縣地或在今桂平縣及所屬興業縣地舊志非

不知之而沿革一門厯引漢晉以來史冊所載鬱林名目
迄於五代無敢遺漏以致鬱林與今治無與者亦屢及之
名宦鄉賢與今治無與者亦備載之正戴氏震所謂地志
沿革未明則山川人物無一不誤者也嘗謂乾隆間有萬
氏之

大清

一統志表出而天下之沿革以明嘉慶間有謝中丞之通
志出而廣西之沿革易考蘇學博係宗謝志故其敘鬱林
沿革與志表均合而與舊志則多所不同然則此次之志
卽可謂近宗蘇氏蘇氏雖未專修鬱志而更正之力預施
於前與吾向者之私懷不啻潛合也已抑余更有疑者蘇

鬱林州志

卷首序

八

氏於漢之劉外谷永三國吳之陸績晉之毛昺宋之劉勔
諸公鬱林與貴縣兩處均經紀載惟鬱林則注云五人宦
蹟不在今地但祀於名宦已久不可不相緣而附余嘗查
謝志鬱林祀典門亦載劉陸二公而潯州貴縣名宦反或
遺之夫五人者皆鬱林太守有功所治報享宜隆余謂直
可移請專祀貴縣此次所志不必仍緣附之說則不惟蘇
氏有以糾謝志之失而是編又有以糾蘇氏之失天下事
因有厯久而裁酌益當者其此類也乎光緒二十年歲在
甲午孟夏月中浣按察使銜廣西分守桂平梧鹽法道豐
潤張人駿序

鬱林直隸州志序

兩粵以東西判行省然東省以饒富稱而西省則以瘠貧著良由山勢回環石積竹箐之閒田賦恒苦不足故與東省迥別也自桂林沿江西南行至北流登陸走五十里地忽平曠一望百里瓜田錯互膏腴壤接崇墉百雉斬然如新是爲鬱林州治其氣候燠多寒少田稻再收故殷戶最多與粵東無異亦能勇於爲義視輸數千緡如敝屣各省災荒羽檄勸捐其數往往甲於通省光緒庚寅四月余司權是邦甫半年奉令

中丞張公之檄就攝州篆初膺民社抱冰淵者凡十有九

鬱林州志

卷首序

九

月賴諸賢士大夫暨同官扶持之力民情按堵更邀神貺年穀順成幸釋警戾受代返省已三載於茲矣諸父老時具音書存問士子之應試會垣遺米鹽等物佐朝夕者不可悉數於以歎鬱林風氣抑何近古也先是接篆後卽訪求州志得前署州牧邱君所修八卷其體例簡賅一掃世俗繁蕪之習心竊佩之然作於乾隆壬子迄今已百有一年矣此百年中搢紳之代謝選舉之蔚興典禮之增加建置之更易與夫德行道藝忠孝節烈之繼起而踵生均不可以無紀匪直此也道咸以來洪楊之亂肇自粵西此後羣盜如毛狼奔豕突所過州郡殘破紛紛桂林萃全省兵

力得以保固宜也鬱林僻在邊陲疊遭寇攘同仇敵愾亦得甌完牟智川孝廉嘗爲余述其與前官擘畫之勞捍禦之策屢瀕危殆方慶安全偉矣哉民獻猶存此尤不可聽其湮沒者也因與孝廉及在籍歐伯香侍講牟芝農大令文小銘比部鍾維田舍人有修志之議顧經費無出時正奉安陽

馬中丞檄辦蠶桑余倡捐四百金於是捐者雲集約萃四千餘金計蠶事已數因請於上臺以所捐撥爲志費上臺踴之遂於次年三月初二日開局余偕擬凡例務求簡易以冀速成也已而侍講養病未痊太令亦體患不適

鬱林州志

卷首序

十

舍人主講經古孝廉專辦蠶桑惟比部獨任其事而歲貢年分既多難考所派採訪六人以赴鄉闈未得歲事年終雖粗具底稿未能排比成編也又明年春大令病良已奮然欲終其局倡議集資時余方州試各屬文武童不及過問迨四月而卸事矣幸接任者爲金谿全墨村太守勲勲懇懇視此事爲尤要續籌經費仍與孝廉大令諸公踵而成之以余倡其議寄示稿本余受而讀之凡二十卷共十冊條目分明紀載簡括舊志之冗者汰之闕者補之訛者正之蓋至是鬱林之志成主修之責卸全君之功竟而余之願亦償矣每思聖人之訓一曰富教一曰足食兵而民

信夫處常則觀其操修處變則驗其忠義鬱林膠校如林
科名鼎盛其於禮教之事已飫見而熟聞故遇變亂之時
能急公而好義方知昔人所謂瘠土多思沃土不才不過
爲昧教者釁撻而非概論也幸值我

國家鏡清之會人文炳蔚之秋吾尤願志局諸公手此一編
啟迪後進俾覽者溯政績而思致治之謨見躬行而殷陶
淑之念聯桑梓而切維持之術撫勝迹而深興起之懷俗
美化行歷久而不懈將巍然爲粵東西名勝之區不尤懿
歟全君暨牟君各以函問序於余不揣謏劣記其顛末附
列於後亦以成諸君不忘葑菲之義云爾光緒二十年季

鬱林州志

卷首

序

士

春月下浣鹽運使銜知府用前署鬱林直隸州事廣西補
用直隸州知州楚北馮德材序於廣西廨館

鬱林州志序

史難志尤難近世之史隔代而後修集才而後成事遠人易無警德無忌諱於其間又史舉一代其綱目宏鉅不瑣瑣以言詳冊府藏儲私家紛糅有句稽之繁勞無蒐訪之聖漏志則不然地不過一方時不過百載父祖立傳子孫視之及身行事鄉人書之其山川風俗人文物產之故皆得之而實據瑣重當駁之為難地狹年近警德忌諱皆不免採事者無載筆之責傳言者無左證之書旁無假譏言皆自我此志之所以難於史也至辰孟夏文炳來曲鬱林思有以圖地以為民圖者索州志則百年舊跡也先是前官馮達夫太守已有修志之事手創凡例壽經費設局於州城南屬稿矣文炳至夫志者志一方之事使夫官斯土者知其利弊在昔因其便以謀其治小之備

鬱林州志

卷首

全序

鄉邦之掌而大之備

國史之採者也然則馮太守之事其可已乎圖所以繼之則文主政小銘鍾舍人維四年司馬智川芝農皆以經費不繼為說文炳乃徑為營焉為經費之計如是者兩年矣書成為卷三為表二有宦績錄有列傳有紀事編有藝文以此其綱也舊志之草新志之補其故具在凡例蓋此文炳之大慰而亦馮太守之心焉後之覽者同時而補苴之毋再為今日之功費也書成於衆力而年芝農司馬之力為尤多司馬以鄉邦之人搢記載之筆警德忌諱無所動其心始終營營昕夕不怠噫可以為難矣

金谿全文炳序



鬱林州志

卷首

全序

鬱林州志

卷首

序文

修志姓氏

續修凡例

卷一

輿地畧一 沿革 疆域 輿圖

卷二

輿地畧二 山川 陂塘 橋梁

卷三

鬱林州志 卷首 目錄

輿地畧三 鄉堡 戶口 勝蹟附

卷四

輿地畧四 星野 禮祥 氣候 風俗 物產

卷五

建置畧一 城池 衙署

卷六

建置畧二 學校

卷七

建置畧三 壇廟祠宇

卷八

經政畧一 賦役 積儲 鹽課

卷九 經政畧二 兵制

卷十

職官表一

卷十一

職官表二

卷十二

選舉表一

卷十三

選舉表二

鬱林州志 卷首 目錄

卷十四

宣績錄

卷十五

人物列傳一

卷十六

人物列傳二

卷十七

人物列傳三

卷十八

紀事編

卷十九

紀事編
殉難

卷二十

藝文編
金石附

彭林州志

卷首
目錄

三

續修廣西鬱林直隸州志街名

裁定

知府用署理鬱林直隸州事儘先前補用直隸州知州馮德材

花翎補用府特授鬱林直隸州知州全文炳

監修

五品銜鬱林直隸州判乙酉科拔貢生胡紹瑗

署 鬱 林 直 隸 州 學 正陽久照

國子監典簿銜鬱林直隸州訓導甲子科舉人蔣炳勳

特 授 鬱 林 直 隸 州 東 目楊翰釗

提調

鬱林州志

卷首

姓氏

同 知 職 銜 癸酉科舉 人牟大元

按 察 司 經 歷 銜 附 貢 生楊書說

總纂

刑 部 主 事 丙戌科進 士文德馨

同知銜前任直隸蠡縣知縣甲戌科進士牟懋圻

總校

誥授中憲大夫日講起居注官翰林院侍講加四級歐德芳

內 閣 中 書 己丑科進 士鍾承祺

同知銜前福建南靖縣知縣乙丑科進士周廷獻

分纂

揀 選 知 縣 乙 亥 科 舉 人梁雅彝

揀 選 知 縣 癸巳科舉 人陳繼茂

即 補 教 諭 壬戌科副 榜貢 生楊枝開

分校

揀 選 知 縣 己卯科舉 人陳國鈞

揀 選 知 縣 乙酉科舉 人陳祖襄

懷 遠 縣 訓 導 歲 貢 生吳懿英

即 補 教 諭 己丑科副 榜貢 生蔣乃諧

候 選 訓 導 歲 貢 生蘇章冕

校對

鬱林州志

卷首

姓氏

試 用 訓 導 增 貢 生周廷贊

候 選 訓 導 歲 貢 生張萃彝

總理

按 察 司 經 歷 銜 附 貢 生楊書說

監 生吳懿潮

採訪

附 生陳慎言

監 生陳宗篴

附 生周賢啟

廩 生楊書傳

廩 增 廩 附 增 監 附 廩 附 附 附 附 附 附 附 附 附 附

鬱林州志

卷首

姓氏

三

生蔣沐鈞

生文昆鴻

生李華楷

生獨慎魁

生辛慎章

生楊業開

生陳繼咸

生甘永祚

生陳昌熙

生歐維寅

生蘇章服

生蔡金錫

生謝棟坤

生陳宗可

生楊步雲

生唐大衡

生何承瀾

生陳昌文

生楊志華

生梁紹清

廩 廩 附 附 監 附 附 附 附 附 附 附 附 附 附 附 附 附

鬱林州志

卷首

姓氏

四

生鍾際會

生楊詔經

生鍾萃英

生姚杰明

生黃光葆

生潘際昌

生晏暉榮

生龐之會

生黎桂馨

生弄善基

生何朝棟

生盧明義

生黃文湘

生蕭承祐

生梁詩雋

生覃蔚文

生何安瀾

貢梁大用

生徐浩規

生陳鉅才

附

生張祖才

繕書

附

生牟煥賢兼繪圖

附

生李成槐

職

員李成枋

童

生楊書寬

鬱林州志

卷首

姓氏

五

鬱林州志序 續刻 明 右參政 曾守身

吏治惟一清耳一清百清或曰才佐之非也才自是清中
事無才則無不濁矣又安所得清而稱之泉之涸也滌煩
雪之漂也兆豐清自才也委珠於泥則渾矣委鑑於塵則
闇矣才固未必能清也或曰水清無大魚又曰舉世皆濁
何不汨其泥而揚其波彼蓋有激乎其言而暴汙者遂以
爲口實搜市禦門亡家敗國天下之惡皆歸吏治云乎哉
鬱林故太守陸績歸之日舟虛以石鎮之至今號爲鬱林
石粵嗣丁績蕉萃蔽體本不在中貴人奏應貢令鬱林歲
貢葛擾累殊甚墟峒悉逃先皇帝一朝撤盡閭閻歡呼若
鬱林州志 卷首 曾序

更生夫一石一葛爲清幾何而光垂宇宙澤暨穹壤史冊
詫爲異事今天下盡如此石此葛四海有不永清者乎其
矣清之所關重也方今宇內外盜賊蜂起率執言貪酷吏
毆我雖不盡然然亦有以致之鬱林東近欽雷西連橫貴
采珠剽馬時入我疆矧加派調發日以繹騷茲土也岌岌
乎殆矣諸郡邑長上奉令甲前瞻芳軌近監四方之亂能
亡意乎倘不然而毆吾民以導賊則賈胡之患其易免焉
楊郡守修鬱林志雅有石葛之思首言法與所以法予讀
之未暢載讀其總論一篇約之爲賦役訴訟二事析之爲
兜攬婚姻上目人命盜賊賄賂六事語語刺骨真可爲痛

哭流涕長太息予始知其法在志其所以法在此允若此
則吏治清矣昔楊氏以清白吏遺子孫君其苗裔耶吏治
清而天文地理錢穀兵甲官師文獻風俗民物災祥治亂
一言以蔽之矣以稱不朽志可知矣若夫寶圭窈窕於十
洞羅望瀛壖於三江馬狄血食於千秋陶何競爽於橋梓
文解流聲於雲祚淑閨槁形於雙石艷姿殉主於危樓妖
嬪釀亂於天寶葛仙覓砂以冥舉李龍囑儼而嚴還瑞鳳
輝騰於祇樹靈魚吐沫於石吻銅船耀影於江心神鼓揚
聲於水面品咄取精於斗膽骨木後堅於鐵力黃茅染瘴
於病夫胡蔓構命於詛庭鬼門增感於征人斯一方之侈

鬱林州志

卷首

曾序

二

談亦清客之所抵掌也儘足標奇卒難悉數觀者自得之
案補志載此序文而云所修志未見則是書久無存今
於州志照錄此序以存始又通志作曾守身自序曰云
云似謂志係曾修而自序者但中明言楊郡守修鬱林
志查職官表曾守身天啟二年任右參議而未知鬱林
州天啟元年知州有楊王啓正與曾同時則修志者楊
而曾爲之序也

鬱林州志原序

志者古史之流也周禮小史掌邦國之志外史掌四方之志而大司徒之職以天下土地之圖周知九州之地域廣輪之數辨其山林川澤坵陵墳衍原隰之名物以佐王安國夫是以政教行而風俗成也今夫理一家者必舉其家之田園廬舍耕桑畜牧食物器用前人之所經畫者周知而綜理之而后一家之事治爲民牧者亦然親民之官莫如州縣縣曰知縣州曰知州循名責實蓋有在已然而捧檄適征單車就道凡此邦之風俗情形有爲目所未覩耳所未聞者

鬱林州志

卷首

段序

三

不有稽攷其將何以從事此志之所以爲尤重也鬱林爲古名郡秦漢以來通於上國歷經沿革今亦非其舊矣然其習俗醇樸戶口繁殷山川效其秀靈賢哲傳其懿績民情士習鬱然可觀若乃平疇百里却望極目白石東南寒山西北清潭瀉空秀木滿目瓜田錯互荳籬映望饁婦在田農歌滿耳覽風土之嘉勝瞻民物之熙和尤足令人低徊俯仰流連讚嘆而不忍置者而文獻無徵志乘殘缺此亦守土者之責也余以乾隆十六年仲夏承乏茲土下車之日即訪求州乘得前任金公原志二冊字畫殘缺僅存一綫

於燭蠶之餘大懼舊聞放失後將益無所稽攷

且自金君以迄今日相距五十餘年其間名賢之經理閭井之變遷土田之墾治與夫髦士之書升論秀乘時而利見者既已闕時而日新其可以無志耶爰與鄉先達陳君朝報某某等進而修之刪其繁芻補其缺畧凡閱一寒暑而後竣異日上之史館足以徵我

國家之湛恩汪濊聲教四訖光天之下罔不率俾鬱林雖僻處荒遠已無不蒸然向化不應僕志實有軼漢唐而追隆古者何其盛歟且使後之君子宰是邦者

鬱林州志

卷首

段序

四

其於政教因革之大凡可以歷攷而得之以協其調劑而施其補救之用其或不鄙夷是編更相與潤色而修明之則余之志爲不孤也已爲序

乾隆十八年歲次癸酉陽月昆陵段汝舟書於鬱林

官舍

原序

乾隆辛亥秋余自梧州五移署鬱林州篆下車之始索閱舊志以乾隆癸酉年前州段君所作抄本進蟬蛸篆蝕大半殘缺讀原序係本康熙間前州金君刊志重修再索原本已不可得矣溯癸酉迄今又四

十年若弗亟爲編定更閱數年將并此零篇碎牘而烏有英文獻奚微焉爰與署州判劉君春浦學博素君碧澗商之於壬子春設局學使者行署延紳士中之敦行而能文者廣咨博采佐以書手畫師胥吏通力合作而二君暨余總其成舊志中有可議者如載八景沿俗例也載星野氣候風俗節序典制物產與各郡相若者襲陳言也載職祥紀事鄉評難概徵信也載藝文碑刻可以証闕史記序題咏可以徵遺蹟也凡茲數端手披目達移時蓋不慮於心於是芟其

邱序

五

鬱林州志

卷首

繁者補其不備者釐爲十門曰沿革曰山川曰建置曰學校曰祀典曰賦役曰兵制曰秩官曰選舉曰人物援据羽陵不爲臆說並仿古人左圖右史之意作圖十五附列各卷之後事詳於前文減於舊三關莫牒哀然成書遂出俸錢而付之梓余自維簿書執掌又舛陋無史才而與諸君旦莫從事敬慎商確或不致馬醫夏畦濫廁名哲栢舟婆娑遺恨幽泉此中猶堪自問焉惜乎余旣假守不能久於其任而春浦碧澗又皆解官還桂林志期速成末由完善博雅者尙其鑒諸君

乾隆五十七年五月

賜進士出身奉政大夫署知州同知廣西梧州府事前內閣中書癸卯科福建鄉試副考官甲辰科會試同考官宛平邱桂山撰

原序

昔朱紫陽守南康甫下車卽詢郡志其非備掌故之謂譬諸治庖然非相其黔郤則芒刃不得施粵西諸郡唯鬱林志無成書相沿僅抄本數帙夫以粵之僻在邊隅舊號少文鬱承古治之遺遷鍾靈傑式是南邦願獨徵信缺如資治末由宜我 年友邱司馬之

鬱林州志

卷首

費序

六

汲汲以修定爲已任也 邱司馬來攝是州余適以按部相與晤語時卽有重修郡志之商越半載函其書至并屬余爲誌顛末閱之則已煥然新編凡所損益具有條理因思古者禮俗政事教治皆有書每國辨異之以反命於朝行人職也余昔驅車馬鞍獅嶺間詢度諏謀至今猶髣髴于懷不圖 司馬更惠我以魯春秋而刪其齊東

聖朝方將採風以備國史康樂和平微斯莫屬何代無公紀是志固將爲廉石同不朽云爾

乾隆歲次壬子冬孟粵西學使者費振勳題